



---

---

**KERATAN AKHBAR  
DAN MEDIA ONLINE  
UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

---

**10 OGOS 2022 (RABU)**



KEMENTERIAN PERDAGANGAN DALAM NEGERI  
DAN HAL EHRAL PENGGUNA

---

**KERATAN AKHBAR  
DAN MEDIA ONLINE  
(KPDNHEP)**

---

**10 OGOS 2022 (RABU)**



KPDNHEP telah menjalankan Ops ATM bagi memantau harga ayam, telur dan minyak masak di semua peringkat pembekalan dan pengedaran sejak 23 Jun lalu.

## Ops ATM pantau harga 3 barang – KPDNHEP

Oleh RASDAN AHMAD

**KUALA LUMPUR** – Sejak 23 Jun lalu, Kementerian Perdagangan Dalam Negeri dan Hal Ehwal Pengguna (KPDNHEP) telah melaksanakan Ops ATM membabitkan barang kawalan seperti secara harian di setiap peringkat rantaian pembekalan dan pengedaran ayam, telur dan minyak masak.

Timbalan Menteri, Datuk Rosol Wahid berkata, operasi itu bertujuan memastikan bekalan stabil dan tiada isu berkaitan kegiatan sorok barang kawalan serta keperluan harian di pasaran selaras dengan Kempen Anti Sorok yang dilancarkan awal tahun lalu.

“Ops ATM juga bertujuan memastikan harga yang dijual bermula 1 Julai lalu tidak terlalu tinggi sehingga menyebabkan kekusaran kepada masyarakat dan bagi mengekang peniaga

tidak beretika daripada mengambil untung tidak munasabah.

“KPDNHEP juga melaksanakan beberapa inisiatif untuk menangani kegiatan sorok seperti pemeriksaan dan pengauditan di setiap peringkat rantaian pengedaran minyak masak melalui aktiviti semakan Rancangan Pra Penghantaran,” katanya di Dewan Negara semalam.

Beliau berkata demikian ketika menjawab soalan Senator N. Balasubramaniam yang bertanyakan usaha kementerian bagi menangani barang kawalan yang disorok seperti minyak pekete bersubsidi dan beberapa barangan kawalan lain.

Tambahnya, KPDNHEP juga menjalankan pemeriksaan pematuhan permit ke atas peniaga kecil dan pengusaha restoran serta membuat risikan ke atas pengilang, pembungkus, pemborong dan peruncit dengan sasaran terpilih yang

disyaki menyeleweng minyak masak bersubsidi.

Selain itu, kementerian turut menetapkan had pembelian minyak masak polibeg sebanyak tiga pekete untuk memastikan lebih ramai pengguna isi rumah dapat menikmati subsidi yang diberikan kerajaan.

Katanya, kerjasama juga dipertingkatkan dengan agensi penguatkuasaan lain seperti Angkatan Tentera Malaysia, Polis Diraja Malaysia, Jabatan Kastam Diraja Malaysia dan Eastern Sabah Security Command (ESSCOM).

“Kementerian juga mengadakan publisiti yang meluas melalui media arus perdana dan media sosial bagi mempertingkatkan kesedaran serta mewujudkan kegerunan dalam kalangan peniaga dan melaksanakan Ops Samar bagi membuat uji beli serta mengenal pasti jika terdapat elemen sorok oleh peniaga terbabit,” jelasnya.

 Senarai Harga Barang Keperluan	- Ayam	<b>RM6.99</b>	- Telur Cred A	<b>RM12.90</b>	- Gula Pasir	<b>RM2.85</b>	- Cili Merah	<b>RM14</b>
	- Daging Lembu Tempatan	<b>RM39</b>	- Ikan Kembung	<b>RM15.90</b>	- Bawang Besar Holland	<b>RM2.99</b>	- Kubis Tempatan	<b>RM4</b>
	- Daging Lembu Import	<b>RM53.90</b>	- Minyak Masak	<b>RM7.65</b>	- Bawang Putih	<b>RM5.89</b>	- Tepung Gandum	<b>RM2.80</b>
<small>*Harga (RM/kg) Sumber: KPONHEP</small>								